

Božić

Nada Kos (1939., Mraclin): “U adventu se kao priprema za dolazak Isusa išlo na zornice. Išlo se saki dan ob šest zjutraj peške v Vukovinu, tam je bila naša župna crikva. Pa je bila velika ispovijed, sveta pričest, sve to smo mi imali negda.

U zadnjem tednu prije Božića su se svinje klale jer negda ni bilo škrinje da bi se meso spravilo. Na Bajdnak je bil post pa smo jeli štrukle.

Onda su ti na Bajdnak znali muži iti u šumu pa su odsekli onak male jele, al ni se to smelo jer su lugari bili negda, a negda su kao i granu samo odsekli. Ta se grana ovak vrgla na stenu¹ i to se nakitilo, smo ti oreja farbali u zlatno ili omotali u zlatni papir. Pa kad smo dobili bombona, onda smo i njih isto vešali po boru. Kad je Božić prešel, onda smo bombone pojeli pa smo nutra podvrgli neko drevo ili kamen ili već nekaj.

Kad je sve bilo gotovo, onda se išlo na polnočku. Z doma smo pošli u jedanaest jer je u dvanaest bila polnočka. Isto smo šli v Vukovinu pešice, po snegu, kakvo god bilo vreme, al' se išlo, to se ni pitale očeš-nečeš k'o danas, to se išlo. Ja pamtim kad smo kak deca išli, a zemlja je bila zamrznuta pa smo išli sve poprečke po tom tankom ledu. A odrasli nisu mogli jer bi propadali, a mi deca smo skakutali kak smo lagani bili.

Kad smo s polnočke došli, spravila se večera, a tata i tak neko još ž njim su nosili slamu i žito v hižu. Onda ti se svetlo gasilo, a mi smo deca sijali slamu po kući pa smo dole svi na tu slamu kleknuli.

Sveča je gorela, svetlo se ni palilo. I tak smo svi zajedno molili.

Neki stariji človek je govoril molitvu:

Božićna molitva

Falen² Isus i Marija!

Daj nam, Bog, picekov,

Ligekov³, žugekov⁴,

Telekov, žrebekov,

I žira⁵ i Bužega⁶ mira,

¹ Stena je zid.

² Falen→hvaljen.

³ Ligeki su guščići.

⁴ Žugeki su pačići.

⁵ Žir je služio za hraniti svinje.

⁶ Buži→Božji.